

人物誌九卷

扶輿正氣鍾毓為人立德立功乃堪不朽或當官經  
較無貽詭於尸素或居鄉砥行鮮訾議於清評若是  
皎皎固足稱矣下而閭巷之士篤念蓼莪閨闈之姝  
誓操松柏孰非至性不磨爭先日月者乎嗟嗟王堂  
功業燈燧有限之杯金谷繁華漏盡無聲之箭奈何  
汶汶汨汨並寒煙衰草以俱沒哉因表人物第九

名宦

宋

商水縣誌

九卷

高若訥并州榆次人神宗時為縣令邑有職分田而  
牛與種例皆假於民若訥獨廢不耕廷臣薦為監  
察御史裏行

明

孫玄仁直隸丹徒人洪武中為縣丞以德惠民不尚  
操切邑人張大兄弟爭田玄仁諭以大義其人感  
激泣數行下遂相讓不復爭由是境內有仁讓之

風

德 德四川南充人承樂訪知縣事政尚質朴首以



興學校勸耕織爲務令民間無尚靡侈以故風淳俗美士民樂業居無幾遷江寧尋擢太常寺卿

劉 漢湖廣麻城人正德初知縣事雅意愛民禮文學之士適流賊劉六劉七餘黨趙燧邢老虎將衆薄城時雉壘卑削漢義激士民百方固守越二日賊從北門入漢與家人皆自縊未卽死賊感其義釋而禮之倉庫無失事聞嘉獎尋以病告歸民人戴慕不忍忘云後以孫貴顯贈兵部尚書

楊一廉湖廣湘陵人萬曆中知縣事政刑嚴明善餘

商水縣誌

九卷

幹無臥牘宿理閭里悍譏者亟擊而一意佐良焉由是盜賊屏息士民樂業有不閉戶不拾遺之風尋調繁江右百姓刻頌幾如峴碑云

鄉賢

宋

張 輅家世忠孝性沉靜有識鑒博學善屬文官至著作郎鄉邦推型典焉

明

華 能山貢士任真定府同政治寬平於民必躬

以先之轅固窮然而武臣已遠矣  
式之如萬石并云

王 溢由舉人除太常寺丞尋陞通政司左參議  
采俊整言詞嫻雅上甚眷顧將不次擢竟以病卒  
遣禮部侍郎李紹賜祭

王 相溢之子由進士除博士尋擢御史時年方二  
十有奇幼年登巍科任顯秩務單厥心知無不言  
一時有鐵面之譽卒爲當道者所忌謫縣丞轉府  
同後陞浙江按察司僉事所至稱仁明焉民懷其  
商水縣誌 九卷 三  
德鄉高其行蓋迄今不忘云

孝行

明

張景昭邑人父母沒廬墓三年齋衣蔬食負土起塚  
有玄兔穴其旁赤芝生其上人以爲純孝所感事  
聞嘉獎至今相傳猶名其地爲景昭墳云在縣東  
南三里

畫正誼邑庠生幼知孝愛稍長竭奉養期於盡惟一  
日母病湯藥無効乃禱於天願以身代割股以供

病尋愈知縣贈匾以旌

郭渡極邑庠生性朴能孝道父母歿殯葬有禮居墓三年知縣郭天璟旌表其門

到家胤邑庠生河間別駕劉芳之子也天性篤孝別駕公疾衣不解帶湯藥必親嘗及別駕公卒事母益謹辛巳十月之變城將陷家人相率請胤以逃胤曰吾母八旬若草露倚我而生我逃母將安賴城破負母以走賊皆哀釋之最後遇一賊殺其母劫胤使從胤大罵曰賊奴無君更使我無親乎吾

商水縣誌

九卷

四

與吾母遊地下耳賊遂殺之至死罵不絕口

義節

明

郭 秀邑人萬曆二十一年大饑秀輸銀二十兩倡

賑知縣郭天璟贈匾曰助義最先

李時馨邑中書舍人萬曆四十六年邊兵乏餉詔諭民間輸助時馨首先輸銀二百兩特收褒獎

劉 芳邑河間府通判輸銀五十兩助餉兵備道藝

賜獎薦有日大人正己遠于存心秋月寒潭三

車滿馬骨衛門沁水幾年野外臥羊裘等語  
賈邑進士任山西臨汾縣知縣以內艱歸里足  
履公庭處鄉黨言貌謙抑恂恂如也辛巳十月  
之變家人皆逃去賈曰我爲朝廷臣子在官在鄉  
義無二也有死而已及城破賊強半皆西人感賈  
舊政爭迎以事實惟願速死賊遲回者再不得已  
殺之後五日方殮顏色如生事聞於朝贈禮部主  
事蔭一子奉祀

王化行邑令雲南河西舉人商舊城卑薄行於崇順  
河水縣誌

九卷

五

九年縮綬茲土時方多難下車卽謀於士大夫欲  
增修磚城高其雉堞爲守禦計得國學生高思忠  
傳嘉言董其役建窰造磚出錢募工甫周歲而告  
成屹然金湯矣其一切費用或出之紳衿之輸助  
或出之邑之俸餘於正供之內外未嘗有所支銷  
科派也及辛巳闖賊陷城行與思忠嘉言皆仗義  
而死伏候 題旌

嘉文衛邑令直隸貢士崇貞十三年來守時盜賊蜂  
起不聊生衛政尚寬心不惟嚴明其良民

者不憚遠方拯濟盜賊則其於法無赦民賴以寧  
安暇日與諸生課文晝宵口占律口承乏隱瀛  
委乎秋于戈四促動人感拊髀每懷思節牧論文  
何暇較蘇颺倫開一試金城畧得意先傾玉殿甌  
頌江長虹驅魑魅掃清中土樂皇庥越明年十月  
蜀賊寇縣衡率百姓固守凡三晝夜城將陷衡大  
書於廳壁曰吾惟一死上以謝朝廷下以謝百姓  
遂投井死二子亦死之拱俟 題旌

附

商水縣誌

九卷

六

張 坦邑庠生天性篤孝父早亡與妻金氏事其母  
克盡子職定省無失辛巳十月之變夫婦俱被賊  
執坦義氣凜凜挺然不服賊怒而殺之至死罵不  
絕口金氏見殺其夫亦罵曰賊奴與爾何仇殺我  
丈夫情願同死賊又殺之闔縣高其義闔學公舉  
縣令申上

國朝

李 玘邑庠生順治十四年

巡撫部院暨巡道憲票積穀備賑玘首先輸穀一百

石巡道于朋舉贈匾曰俠烈空群

王進賢是年同輸穀五十石備賑巡道于朋舉贈匾

曰義俠空群

貞烈

明

趙 襄女許嫁李姓而未適其夫病卒女聞號泣越

三日自縊死事聞於朝勅賜烈女之坊以旌

王 氏贈中書舍人李珠妻珠蚤卒氏封髮自誓勤

績紡以詩禮訓子垂三十年子時馨由國學任中

商水縣誌

九卷

七

書舍人氏受誥封乃卒聞於朝勅建貞節之坊

杜 氏郭璉妻璉病卒氏守節二十年號完壁知縣

楊一廉匾其門曰栢舟高節

祁 氏王大妻大病卒氏痛泣曰吾何天乎孰死之

為快乎自縊夫屍旁宗人憐之合塋上其事旌表

岩門

惠 氏國學生傅商佐妻佐卒氏撫三子教以義方

垂二十年長子嘉言遊國學三子雅言拔貢知縣

裴鉉揚一廉皆贈貞節之匾以旌

氏張一平妻平卒氏年二十一守志無玷知縣黎  
壯圖賜歸曰貞節可風

氏李時蘭妻蘭病氏侍湯藥晝夜不懈後漸危  
乃囑氏曰我死汝須勉守無忘吾夫婦恩也氏哭  
語曰但當養病無慮後事脫有不虞我當侍爾於  
地下語間而蘭氣絕矣氏潛入隱室自縊死蘭復  
蘇聞氏死流涕曰等我與汝同行須臾亦死通學  
生員高其義具呈本縣知縣郭天璟匾其門

黃氏孝廉王風淳之妻淳任棲霞母年九旬留氏  
高水縣誌

九卷

八

奉侍寢膳之事必親與焉僕妾雖多未嘗少暇也  
及闖賊陷城扶其姑藏於宅後僻處賊搜得捱斃  
氏枕股哭賊將逼之氏大罵曰吾宦家婦豈受汝  
賊奴之辱乎遂殺我賊乃殺之御史陳潛夫聞其  
事於朝賜匾曰節孝齊芳